

حقوقی بیکسیر مجموعه سی

هر آياك اون بشنده نشر اولتور

اجرت طلب ایدہ بیایر۔ ولو کہ وکالت، مقالہ ایدیلن خدمت مناسبتیلہ ایفا ایدلمش اولسون۔ مثلاً بر کیمسہ اجرتلی کاتبہ دعواسنی تعقیب ایتدیررسہ اجرت معینہ بی ویرمسی لازم کلیر۔ حتی یومیہ ایله طوئیلان کاتب تکمیل بر کوتی دعویہ حصر ایتمش اولسہ سیله او کونکی یومیہ سنی آلابیلیر۔

کذلک اجرت تعبیری مصارف ضروریہ نظرأ احترازیدر۔ از جملہ وکیل، واپور، تیرمن و تراموای کی نقلیہ اجرتی ویا محاکمہ مصرفلرینی موکلدن ایستہ بیلیر۔

قانون، آووقات اولمایانلره آنجق «طرفینک بولندقلری قریہ ویا قصبہده مقیم» اولق شرطیلہ صلح محکمہ لرندہ وکالت ایدہ بیلیمک صلاحیتینی ویریبور۔ بوقیدی پک مطلق اولارق تفسیردن اجتناب ایتلیدر۔ فی الحقیقہ طرفین محکمہ نک بولندقینی محلدہ مقیم دکلر ایسہ کندیلرینی اورادہ اقامت ایدن مستخدملری ویا وکیل امورلری، احبا واقربالری واسطہ سیله تمثیل ایتدیرمکده داها بویوک بر ضرورت حس ایدرلر۔

بناءً علیہ حضورندہ وکالت ایتدیکلری محکمہ نک بولندقینی محلدہ مقیم اولانلرکده طرفین نامنه حرکت صلاحیتی قبول اولنمالیدر۔

دیگر طرفدن «قریہ و قصبہ» تعبیری، محکمہ نک دائرہ قضاسنده بولنان دیگر قریہ و قصبہ لره نظرآدہ احترازی عداولنمالیدر۔ زیرا طرفینک احبا و آقرباسی مطلقا یانی باشندہ اوطورماز، مکتوبده کندیلرندن وکالت رجاء اولونابیلیر۔

حقوق فاکولتسی مدرسلرندن

مصطفیٰ رسیم

حقوق فاکولتسی مدرسلرندن

آوروقات: جودت فریم

قانونہ جزا

یکی جزا اصول محاکمہ لری لایحه سی

عدلیہ وکالتی کچن تشرین اولده آلمان اصول محاکمہ جزائیه قانونی استانبولده متشکل بر قومیسونه ترجمہ ایتمک اوزره تودیع ایتدی۔ قومیسون لایحه بی آنجق شباط نہایتندہ اکال واسباب موجبہ سیله برلکده وکالتہ تودیع ایدہ بیلدی۔ مجلس عالی لایحه بی

تدقیق ایده جک مساعد بر زمانه مالک اوله مادیغندن بالطبع لایحه نك تدقیقاتی کله جک اجتماعه قالدی . شیمدیدن لایحه نك خطوط اساسیه سی حقیقده بعض معلومات ویرمک حقوق شناسانک افکار و مطالعات و تنقیداتی جلبه وسیله تشکیل ایده جکندن بر قاج مقاله ایله مجموعه من وظیفه سی ایفایه مسارعت ایلر .

I مقدمه

آلمان اصول جزاییه سی نه صورتله وجوده کیشدر ؟

آلمانیا وحدت سیاسیه سی آتام ایتزدن اول شمالی آلمانیا حکومت متحده سی قانون اساسی سنک ۴ نجی ماده سنده حکومت متحده ایچون مشترک بر قانون جزا و بر اصول محاکمه جزاییه تنظیمی حقیقده احکام مخصوصه قونمش و بوکا توفیقاً ۱۸۶۸ تاریخنده شمالی آلمان حکومتی رایخشتاغ مجلسنده مبعوث و اغر و پلانق تشکیل محاکم، آلمان جزا قانونی و آلمان اصول جزاییه قانونلرینک احضاری ایچون بر تکلیف در میان ایتمشلر واشبو تکلیف قبول و قانونک احضار ایتدیرلمسی وظیفه سی باش و کیله تودیع ایدلمشدی . او زمان پروسیا حکومتی عدلیه نظارتی ایفا ایدن « لئونهارلد » لایحه نك فعلاً احضاری وظیفه سی مشاور عدلی صفتی حائز اولوب مؤخرأ عدلیه نظارتی اشغال ایدن « فرید برغه » تودیع ایتمش و مومی الیهده آلمان جزا قانونی لایحه سی احضار ایتدیکی کبی ایکی سنه ظرفندهده اصول محاکمات جزاییه پروژه سی احضار ایتمشدر .

فرید برغه لایحه سی طبع و حقوق شناسانه توزیع اوله رق کندیلرینک افکار و مطالعات ذاتیه لری آلمش و دیگر طرفدن بر سنه ظرفندهده اسباب موجهه سی اکیال ایدلدکن صوکره عدلیه و کالتنده ناظرک تحت ریاستنده نظارت مشاور عدلیلرندن متشکل بر قومیسون طرفندن عریض و عمیق مناقشه ایدیلهرک تفرعائده بعض اوافق تفک تعدیلاتدن صوکره باش و کالته تودیع ایدلمشدر .

لایحه ۱۸۷۳ تاریخنده رایخشتاغ مجلسنده تودیع ایدلش و رایخشتاغ دخی لایحه بی تماماً خارجدن متخصص ۱۱ کشیلک بر قومیسونه تودیع ایتمشدر . بو متخصصلر ایچنده لایحه بی

احضار ایدن فرید برغ حاضر اولدینی حالده بشی محکمه رئیس واعضاسی ایکسی مدعی عمومی بری آووقات ایکسی ده وکاتلر مشاور عدیلبری موجوددی .

اشبو قومیسون 39 اجتماع عقد ایش و جنایت محکمه سی تشکیلاتنده لایحه ده بعض تعدیلات وجوده کتیرد کدن صکره طاغلمشدر . بوندن صوکره لایحه بوندسرات مجلسنه تودیع ایدیش فقط بوندسرات مجلسی 11 کشیک متخصص قومیسونک جنایت محکمه سنده وجوده کتیردیکی تعدیلاتی قالدیره رق لایحه یی اسکی حالنه صوقه رق 1874 تاریخنده رایخشتاغ مجلسنه اصول محاکمه حقوقیه وتشکیل محاکم قانونی پروژهرلیله برلکده تودیع ایشدر . لایحه نک ایلک قرائتندن صوکره اوچ قانون لایحه سی ده 28 کشیک بر قومیسونه تودیع وکندیله رینه ایکی سه بر مهل ویرلهرک لایحه نک شکل قطعیسی اتمام ایتدیرلشدر .

اشبو قومیسون 160 اجتماع یاشدر . بوقومیسون کندی اعضاسی آره سندن برتحریر انجمنی وجوده کتیرمش واشبو انجمن ده 80 اجتماعده لایحه نک قطعی شکلی وجوده کتیرمشدر .

نهایت بوندسرات مجلسیله رایخشتاغ مجلسی آره سنده تحدت ایدن اختلافی حل وفصل ایتمک اوزره تشکل ایدن مختلط قومیسونده هرایکی مجلسک نقاط نظری تألیف ایدیش والک نهایت 21 کانون اول 1876 تاریخنده رایخشتاغ مجلسی اوچنچی قرائتی ده اکیال ایش و بوندسرات مجلسنک ده موافقی استحصا ایدلد کدن صوکره 1 شباط 1877 تاریخنده تصدیق عالییه اقتران ایدهرک 26 شباط 1877 تاریخنده جریده رسمیه ایله انتشار ایشدر .

آلمان اصول جزائییه سی 51 سنهک موجودیتنده اوافق تفک بعض تعدیلاته دوچار اولمشدر .

بوتعدیلاتک الک مهملری حرب عمومی ده و آتی تعقیب ایدن سنلرده یاشلشدر . بالخاصه زوری اعضاسنک قادیلاردن ده انتخابی (25 یسان 1922) وکنج مجرملر حقنده کی اصول محاکمه [16 شباط 1923] حقنده کی قانونلر ایله تحقیقات استدائییه ده مهم تعدیلات وجوده کتیرن 27 کانون اول 1926 تاریخی قانونلر شایان اهمیتدر .

قانونك هيئت عموميه سی

قانونك بتون آلمان قانونلرنده اولدینی وجهله طرز تنظیمنده شایان دقت برانتظام موجوددر .

طبقی حقوق اصول محاکمه لری قانونی ویا قانون مدنی وجهله قانون برطاقم کتابلره آیرلش و بو کتابلردن برنجیسی هر نوع معاملاتده تطبیق ایدلمسی ایجاب ایدن احکام عمومیه بی حاوی بولمشدرد .

بو کتابده بالطبع الک اول وظیفه وصلاحیت مسئله لری ، محکمه ارکانسک دعوایه بافقدن ممنوعیتی ، رد حاکم ، مقررات و حکملر و بونلرک تفهیم و صورت تبیینی ، مهلتلر ، حال سابقه ارجاع ، ینیه [شهادت اهل خبره ضبط و تحریات] توقیف ، دردست ، مظنونك استجوابی ، مدافعه بختاری بر فصل مخصوص تحتنده برر بر ایضاح اولمشدرد .

ایکنجی کتاب درجه اولاده جاری اصول محاکمه قواعدینی حاویدر .

الک اول دعوانك محکمه یه صورت سوقتی کوسترن قواعد موضوع بحث اولوق ایجاب ایتدیکنه کوره ترتیب وانتظام طبیعی تحتنده حقوق عامه دعواسی ، حقوق عامه دعواسنك صورت احضاری ، تحقیقات ابتدائی ، تحقیقات اوزربنه لزوم ویا منع محاکمه قرارینك صورت اتخاذه ، محکمه ده تحقیقات نهائی ، مرافعه ، حاضر اولمایانلر حقنده جاری اصول محاکمه قواعدی اشبو ایکنجی کتابده جمع وتلفیق اولمشدرد .

اوچنجی کتاب طرق قانونیه دن باحث اولوب بومیانده اعتراض ، استیناف وتمیز ایضاح اولمشدرد .

دردنجی کتاب یالکز اعاده محاکمه یه حصر ایدلمشدرد .

بشنجی کتابده جرمدن متضرر اولان مژدور مدعی شخصیلرک مدعی عمومیلرک حقوق عامه دعواسنك اقامه سنی بکله مکسرین اقامه یه صلاحیتدار اولدینی حقوق شخصیه دعواسی وحقوق عامه دعواسنه مداخله لری موضوع بحث اولمشدرد .

آلتنجی کتاب ، خصوصی برطاقم اصول محاکمه قواعدینی احتوا ایتکده در .

بو میانده بعض اوافق تفک قباحترلر ایچون صلح حاکمیلرینك حائز اولدینی جزا

قراردادهای اصداری صلاحیتی، كذلك پولیسک بو یولده ویره جکی امرار، تکالیف ورسوم حقنده موجود احکام و مقرراته مخالفت ایدنلر، ضبط ومصادره اصولری، منسوبین عسکریه طرفندن ارتکاب اولان بعض جرائم حقنده تطبیقی ایجاب ایدن قواعد تفصیل ایدلمشدر .

نهایت یدنجی کتاب محکمه لردن صادر اولان احکام ومقرراتک صورت انفاذ وتطبیقی موضوع بحث ایتمشدر .

قانون 1926 کانون اول تعدیلاتندن اول 506 ماده ایدی. یکی تعدیلات ایله بالخاصه جنایت محکمه لرنده ژوری تشکیلاتی اینروده ایضاح ایدیله جکی وجهه بستیون یکی رشکله صوقولدیجی جهتله او خصوصه دائر اولان مواد قانونیه اورتهدن قالمش وبنساء علیه مواد قانونیه ک عددی اسکینسه نسبة مهم مقدارده آزالمشدر [464 ماده] .

— I —

اعظم عمریه

وظیفه وصلاحیت

آلمان اصول جزائیه سی الیوم تطبیق ایدیلکده اولان اصول جزائیه من کجی ذات ماده اعتبارله صلاحیتی [وظیفه] تشکیل محاکم قانونیه براقشدر .

بالکمز جرائم مرتبطه حقنده اوج درت ماده لک بر حکم قومش دعوالرک نه شکل وصورت دائره سنده توحید ویا تفریقی ایجاب ایده جکی بر اصول ساله ربط ایدلمشدر .

تشکیل محاکم قانونیه کوره آلمانیده جزا ایشلریله اشتغال ایده جک محاکم حقنده شو حکمر موجوددر :

علی العاده حقوقی منازعاتک حل وفصلی amtsgericht دنیان ناحیه محکمه لری ، Landgericht دنیان قضا محکمه لری و Oberlandsgericht دنیان ولایت محکمه لریه مائدر .

محاکم عادیه فصل وحسمی مأمورین ومحاکم ادارهیه تودیع ایدیله ی ویا بر قانون مخصوصه رؤیتی محاکم مخصوصهیه براغلمیان بالعموم حقوقی منازعات ایله جزا ایشلرینک رؤیته مأمورددر . [تشکیل محاکم قانونی ماده : 13]

قانونك مطلقته كوره بر قانون مخصوصه بر مقام ويا محاكم ادارهيه توديع ايدلمه مش
بر مسئله نك رؤيتي محاكم عاديته نك دائره قضاسنه تابعدر .

حرب عمومي هنگامنده حكومت رايخشتاغدن آلايني صلاحيته بناء بر جوق مسائلك
حل وفصلني اداري مقاملره براغمشدي . بونلر مياننده ملازعات حقوقيه اولديني كي
وبر كولرك صورت استيفاسندن متولد و جزائي ماهيتي حائر بعض مسائل جزائيه نك
حل وفصلده واردی . نته كيم بو ميانده پوسته جزا ايشلري ، ايمپراطورلق سيغورطه
قانوني احكامنه مخالفت كي بعض جرائمی تعداد ايتك ممكندر .

محاكم خصوصيه كلنجه ؛ بونلرده منسوبين عسكريه نك محاكمه سي ايله مشغول ديوان
حربلر ، قونسولوسخانه محكمه لري ، كنيج بجرمارك محاكمه سي ايله مشغول محكمه لر ، صنايع
ايشارندن متولد اختلافاتي حل ايدن محكمه لرده بو نوع محكمه لردن معدوددر .

شوراسي شايان قيدوتد كاردركه آلمان ياده كرك مقامات و محاكم ادارهيه و كرك خصوصي
محاكمه توديع اولسان ملازعات حقوقيه و جزا ايشلري جمهوريتك آلمان ياده تقررندن
سكره يواش يواش كرى آلهرق وحدت قضائك تأمينه چالشمش ونه كيم خصوصي
بر صورته تشكيل قلنان و صرف احتكاردن متولد جرائمی رؤيتله مكلف محكمه لرده
لغو اولمشدر .

محاكم عاديته نك جهت جزائيه ده كي صلاحيت قضائيه سنه كلنجه ؛ آلمان ياده 1926
تعديلاتندن اول اوچ نوع محكمه موجوددی :

1) Amtsgericht ناحيه محكمه لري ؛ اشبو محكمه لرده بر مسلكدن يتشمش
حاكم ايله ايكي اهاليدن منتخب كيمسه بولنوردی .

2) Landgericht قضا محكمه لري بو محكمه لر بالعموم جنحه دعواليله بعض جنجه لري فصل ورؤيته مأموردی .
بومحكمه لر بالعموم قباحث دعواليله بعض خفيف جنجه لري فصل ورؤيته مأموردی .

3) Schnrurgericht جنایت محكمه لري ؛ بر رئيس وايكي اعضا واون ايكي هيئت
عدول اعضاسيله طوبلانير و جنایت دعوالريني فصل و حل ايدردی . بونده اهاليدن منتخب كيمسه بولنazardی .

آلمان يا ؛ حرب عمومينك تحمیل ايتديكي بتون تعمير يوك و فلاكتلرينه قاتلانديني

جهتله بالطبع تشکيلات عدليه سنده بيوك تعديلات يامق اضطرارنده قالدی. وبالخاصه ان اوافق دعوالرینی رؤیتله مکلف ناحیه محکمه لرینک صلاحیت قضائیه لری فوق العاده آتیرلدی وقضا محکمه لرینه ناحیه محکمه وحا کمرندن ویریلن قرارلری استینافاً تدقیق صلاحیتی ویرلدی .

(A) یکی تعديلاته کوره ناحیه محکمه سی جزا دعوالرینی رؤیت صره سنده ایکی صورتله تشکل ایدر.

1) ایکی ژوری ویر حاکم رئیسدن مرکب اوله رق . . . قباحت ، جنحه دعوالریله بعض جنایتلر مستثنا اولق اوزره اون سنه یه قدر کورک جزاسنی مستلزم جنایت دعوالرینی رؤیت ایدر .

2) ناحیه حاکی یالکز باشنه قباحت دعوالریله تعقیبی شکایت متوقف اولان ویا حداظمی جزاسی آلتی آتی تجاوز ایتیمان ویا طلبنامه سنده مدعی عمومی طرفندن یالکز باشنه ناحیه حاکی طرفندن رؤیتی ایستتن جنحه لره باقار . بوندن ماعدا ناحیه حاکی یالکز باشنه تکرر دولایسیله جنایت اولان موصوف سرعت دعوالرینه ده باقار .

(B) Landgericht یعنی قضا محکمه سی جزا ایشلریله اشتغال ایتدیکی زمان Stafkammer جزا دائره سی عنوانی آلیر وبروجه آتی اوچ شکله تشکل ایدر .

1) مستطقلر طرفندن یاپیلان تحقیقات ابتدایه اوزرینه اوراقک محکمه یه سوجه لزوم اولوب اولمادیغنه قرار ویرر . تعبیر آخرله بوکون بزم مستطقلرک قرار حاکی صفتیله اتخاذ ایتدکلری لزوم ویا منع محاکمه قرارینی اتخاذ ایدر ؛ بو قرارلری رئیس ده داخل اولدینی اوزره اوچ حاکمدن مرکب هیئت اصلیه ایله وبلا مرافعه اجرا ایلر .

2) یالکز باشنه ناحیه حاکنک صلاحیت قضائیه سی داخلنده ویردیکی قرارلری برحاکم رئیس وایکی ژوری دن مرکب اوله رق اوچ کشی ایله استینافاً تدقیق ایدر . بوکا (کوچک جزا دائره سی) دینیر .

3) ناحیه محکمه سنک [ایکی ژوری بررئیس دن مرکب] ویرمش اولدینی قرارلری بررئیس ، ایکی اعضا وایکی ده ژوریدن مرکب اوله رق بش کشیدن مرکب بر هیئتله استینافاً تدقیق ایدر . بوکاده «بیوک جزا محکمه سی» دینیر .

کوردیلور که جزا داتره لرینک اساس وظیفه سی استیناف محکمه سسندن بشقه برشی دکلدرد. بناءً علیه اسکی تشکیلاتی یکی قانون تعدیلاتی کاملاً دکشدرمشدر .

(C) جنایت محکمه لری :

جنایت محکمه لری احتیاجه کوره مملکتک مختلف اقسامده احداث ایدلمش اولوب صلاحیت قضائیه سی نه محکمه تمیز ونهده ناحیه محکمه لرینه تودیع ایدیلشمش جنایت ایشلرینه باققدن عبارتدر .

اشبو محکمه دائمی اولوب هر سنه ایچون ولایت Oberlandesgericht محکمه سی رئیس اولی [بزم سابق استیناف محکمه سی] طرفندن موجود حکام آره سسندن بریسی ریاسته وبری رئیس وکالته وایکی حاکم اعضالنه تعیین اولنور و عندالحاجه بونلر مقامه قائم اوله حق اعضالرده انتخاب ایدیلیر .

جنایت محکمه سی بوصورتله اوچی حکام صنفندن و آلتیسی ده تماماً خلقندن منتخب اولوق اوزره طقوز کشیدن مرکب اوله رق ایقای وظیفه ایدر .

الیوم فرانسه ده ومقدما آلمانیه ده اولدینی وجهله ژوری یالکز مسئولیت جزائیه مسئله سنک حلیله اشتغال ایتیموب حا کملرله برلکده هم مسئولیت جزائیه وهمده تعیین جزا جهتی حل وفصل ایدر .

آلمانیا اوتهدنبری ژورینک بالخاصه جنایت جرائمنده ویرمکده اولدینی برائت قرارلرندن بحق اندیشه ناک اوله رق تشکیل محاکم و اصول جزائیه سسنده مهم تعدیلات وجوده کتیرمش وبوصورتله مسلکدن یتشمش حکامک تأثیرله ژورینک ده فیضلی ومشر برصورتده چالیشه بیلمسی اسبابنک تأمیننه بدرجهیه قدر چالیشمشدر .

(D) Oberlandesgericht محکمه لرینک جزا ایا اشتغال ایدن داتره لری آشاخی یوقاری بوکون بعض دعاوی جزائیه نک مرجع تمیزی اولمشدر. شوبله که :

(A 1) ناحیه حا کمرینک قابل استیناف اولیه رق اتخاذ ایتدکلری قرارلر ،

(2) کوچک جزا داتره لرینک قرارلری ، .

(3) بدایه ایکی ژوری وبری رئیسدن مرکب اوله رق ناحیه محکمه لرنجه اتخاذ ایدلمش اولوبده استینافاً بیوک جزا داتره لرینک اتخاذ ایتدکلری قرارلر ،

4 (حكومت متحده دن يالكز محلى حكومتك قانونلرىنى اخلال ايتسندن دولاي بيوك جزا دائره ليله جنايت محكمه سندن ويريلن قرارلى قابل تميز اوله رق .
B (بوندن ماعدا حا كملرك انخاذا ايتمش اولدقلى جزا قرارنامه لرى ده اعتراضاً تدقيق ايلر .

E (محكمه تميز جزا دائره سى ،
تميز جزا دائره سى 1) خيانت وطنيه جرمندن دولاي تحقيقات ابتدائيه سنى اجرا ودرجه ابتدائيه و اخيره ده دعوايه باقار ،
2 (بوندن ماعدا تميز صلاحيتي Oberlandesgericht محكمه لرينك دائره قضايسنه تابع اوليان جنايت دعواليله درجه اخيره ده بيوك جزا دائره لرندن ويريلن قرارلى تميزاً تدقيق ايلر .

آلمان اصول جزائيه سى ذات ماده اعتباريله صلاحيت خصوصنده تشكيل محاكم قانوننده بيوك تعديلات وجوده كتير مشدر .
اسكى قانونه كوره بر چوق جنحه وبعض جنايت دعوالرى بعضاً اوچ وبعضاً بش حا كمدن مركب اولان جزا دائره لرنده رؤيت وفصل اولنوركن بوكون بو وظيفه تماماً ناحيه حاكم ومحكمه لرينه انتقال ايتمشدر .

اصول جزائيه مزك تجديدى صره سنده آلمان تشكيل محاكم قانونندن استعانه ايدلسى حقنده هنوز تقرر ايتمش بر فكر يوقدى . اونك ايچون بو حكملردن استفاده ايدملرى يالكز ايلروده ايضاح اوله جنفى وجهتله تحقيقات حا كملرينك يادقلى تحقيقاتك تاثيرى تحتده براز عجله وغير متائى بر شكلده بر خطايه دوشملرينه مانع اولمق اوزره اصول محاكمه جزائيه پروژه سنه تحقيقات ايشلرى ختام بولدقن صكره لزوم ويا منع محاكمه حقنده قرار اتخاذا صلاحيتي ايله اشتغال ايتك اوزره برقرار حا كملكى احداثى دوشونلش واحكام قانونيه او يولده وجوده كتيرلشدر .

آلمان ياده قرار حا كملكى جزا دائره لرينه مودوع وظائفندر و اوچ كشى قرار اتخاذا ايدر . بو مضمون ايچون مهم بر تأميناندر . زده هنوز بودجه مزك طارلنى ومسلكدن يتشمس حكامك آزالنى آلمان ياده تطبيق ايديلن اصولك عيناً قبوله مانع تشكيل ابتداى .

بهبود در که اوج کشیدن مرکب اولان حکامک اجرا ایدم چکی جدی تدقیقات اوزرینه
تروم محاکمه سینه قرار ویریلن مظنون حقننده کی تأمینات بر حاکمک وجوده کتیره چکی
تأمیناندن فضلده در تحقیقات ابتدائیه نك خفی جریانی مظنون حقننده کی شبهه لرك کیزلی قلمسی
تأمین ایدر. فقط ایش محکمه به دوشد کدن صوکره بر معصومک ناموس مسئله سی موضوع
بحث اولور بونک ایچون تحقیقاتی یاپیلان ایشده قرار ویرمک ایچون نه قدر حزم و احتیاط
ایله حرکت اولنسه عدالت او قدر مستفید اولور.

بو فصلده لایحه به آلمان اصول جزائیه سنده اولیان بر قاچ ماده علاوه اولونمشدر.
بوناردن برنجی حکم عسکر صفتی حائز کیمسه لرك صفت و وظیفه لرینه تعلق ایتمیان هر
هانکی صلاحیت لرندن دولای تعقیبات اجراسی صلاحیتی ایله عسکر اولیان و اولان
کیمسه لرك مشترکاً ایشلدکلری جرمار ولو عسکرلک وظیفه سندن متولد اولسه دخی
محاکم عمومیه عائد اولدینی تصریح ایدلش و بوندن ماعدا عمومی و خصوصی محکمه لره
عائد صوچلرك اجتماعی حالده بونلرك جمله سی حقننده صلاحیت دار عمومی محکمه لر اولدینی
آروجه ذکر و اتیان اولونمشدر.

محل اعتبار ایله صلاحیت کلتجه؛ آلمان اصول محاکمه جزائیه سی فعلک وقوع بولدینی
محل ایله مظنونک اقامتگاهی محکمه سی سوباً صلاحیت دار عدايتمشدر. قومیسون ایتالیان
اصول جزائیه سنک قبول ایتدیکی اصول و پرنسیپی ده علمی کورمشدر. چونکه
فعلک ایقاع ایدلدیکی محل محکمه سنک دعوا به وضع یدایتسنده هیئت اجتماعیه ایچون ده
زیاده منفعت موجوددر. بر طرفدن دلائل محل جرمده ده قولای جمع ایدیله بیله چکی
کبی دیگر طرفدن اورا خلقنک حضور و راحتی اخلال ایدلش اولقی دولایسیله او محل
محکمه سی معرفتیه حکمک اصدارنده خلقه ده زیاده بر تأمینات ویرلش اولور.

موجود قانونه کوره جنایت و جنحه لرده فعلک وقوع بولدینی محل ایله مظنونک اقامت
ایتدیکی و یا توقیف اولندینی محللر مأمورین عدلیه سی سوباً صلاحیت داردر. قباحتلره
فعلک وقوع بولدینی محل محکمه سی صلاحیت داردر.

لایحه به کوره بو خصوصده صلاحیت درجه اعتبار ایله اول صوچک ایشلدیکی محل
و بو محل معلوم دکلسه مظنونک دردست اولندینی موقع واکر مظنون دردست ایدله مش
ایسه اقامتگاهی محکمه سی صلاحیت داردر. کوریلور که یکی قانون سوباً صلاحیتی قبول

ایتمه مکده و بر محل محکمه سی طرفدن وضع ید احتمالی منسلب اولمادجه دیگر محکمه لر عینی صلاحیتی حائز بولونما مقده در .

مع مافیه محکمه نك حقوقاً و یا فعلاً وظیفه قضائیه سی ایفا ایدیه میه جك بر وضعیتده بولندینی تقدیرده کندیسندن یو کسك محکمه تحقیقات و یا محاکمه یی بشقه محل محکمه سنه نقله صلاحیتداردر .

وظیفه اعتراضاتی رأساً تدقیق ایدیه جکی کی دعوانك هر صفحه سنده در میان اولنه بیلیر . بالمقابل صلاحیت اعتراضاتی تحقیقات ابتدائیه نك ختامندن اول و تحقیقات ابتدائیه جریان ایتمه مش ایسه تحقیقات نهائیه به ایتداردن اول در میان اولونمق ایجاب ایدر .

بولندن ماعدا محل اعتباریه صلاحیتدار اولمیان محکمه نك یاپدینی تحقیقات مجرد عدم صلاحیت دولایسیله کأن لم یکن عد اولمیه جنی حقنده قانونده صریح بر حکم وارددر . حقوق فاکولتسی مدرسلرندن آووقات

مروت فرید

حقوق بیلکیلر جمعیتك ۱۷ مایس ۹۲۸ بخشنه کونکی اجتماعنده پولیچه لرده مرور زمان حقنده برنجی تجارت رئیس اسبقی احمد اسعد بك طرفدن احضار و قرائت ایدیلوب طویلان ضبطلردن استفاده ایدلك صورتیه کچن نسخه مزده منتشر تبك بعضی قسملرنده نقایس و خطیثاتك موجودتی آکلاشلمش و تصحیحاً احمد اسعد بك افتدی طرفندن قلمه آلتان اشبو نسخه مزده درج ایدلمشدر .

— پولیچه مرور زمانی حقنده —

تدقیق استهداف ایدیلهن مسأله شودر :

تجارت قانوننك ۵۹۷ نجی ماده سنك اوچونجی فقره سی [جرائطه لرك یكدیکری علیهنه و یا بونلرك کشیده جی علیهنه اقامه ایده جکی دعوی جرائطه نك پولیچه یی تأذیه ایتدیکی یا خود کندی علیهنه اقامه دعوی اولوندوغی تارنخدن اعتباراً آلتی ماه مروریه ساقط اولور] حکمی احتوا ایتمکده در .

حال بوکه بر پولیچه ده بالفرض یکریمی ، اوتوز الخ ... جرائطه موجود اولابیلیر ، هر جرائطه ایچون آلتی ماه مدت قبول ایدلمش اولمسنه نظراً اشبو فقره قانونیه ده کی مدتک اون ، اون بش الخ ... سنه به بالغ اولمسنه بر مانع یوقدر . حال بوکه بالنتیجه